

CORAM R. P. D. PENIA:

SALMATINA EXEMPTIONIS SVB DIE V. Ivnii 1591.



N Civitate Salamātina est celebris & antiqua Vniversitas, multis Romanorum Pontificum donata privilegijs, & innumeris Regum Hispaniæ munita præsidij, quia in ea speciali quadam prærogativa litterarum omnium videtur considere domiciliū, litterarum museum, & quasi commune liberalium artium & scientiarum emporium, ac linguarum Hebraicæ, Græcæ, Arabicæ, & Chaldææ, flore peritia Clemen. I. s. vt igitur de Magistr. vt non immerito Leo Papa X. rescripto quodam studio Salamātino privilegia tribuente, enuntiaverit, prædictam Vniversitatem inter alias totius orbis Vniversitates, peritissimis culisque professionis, linguarum, & iuris Doctoribus, quos in notabili numero in dies producit, eximio splendore nitescere, & per eam, fidem ortodoxam non solum conservari, verum illius vndique diffusa doctrina amplius extolli, & amplificari: cui propterea decuit excellentem aliquem virum quasi gymnasiam præficere: quem tūm rescripta Pontificia, tūm eiusdem Vniversitatis constitutiones, imprimis verò 2.23. & 33. Scholasticum appellarunt. Is, vt ad eam dignitatem, & præfecturam assumatur, vt 33. cōstitutione cavetur, aut in Lure Canonico, vel Civili Doctor, vel in sacra Theologia Magister idoneus, bona vita, & conversationis honestæ, & sufficientis litteraturæ, ac talis denique probitatis esse debet, vt nulla apud eum exceptio personatum habeatur. Magnam habet Scholasticus iurisdictionem, nam sicut 22. constitutione diffinitur, ad prædictum Scholasticum pertinet audire, examinare, decidere, & determinare omnes, & singulas causas civiles, & criminales Doctorum, & Magistrorum, Licentiatorum, & Baccalaureorum, & studentium in quaunque facultate, officialiumque omnium Vniversitatis, & familiariū, & continuorum commensalium, vt declaratur l. 18. tit. 7. lib. 1. novæ Recopilationis legum Hispaniæ. Vnde factum est, vt tamquam conservator privilegorum, immunitatum, & exemptionum, omnium personarum, & executor constitutionum, ordinacionum, & statutorum Vniversitatis, eiusdem iudex ordinarius constitutus, cui ipsa Vniversitas immediate post Sedem Apostolicam subiicitur, in eadem civitate Salamantina publicum tribunal, cum iudicibus à se substitutis, Locum tenentem, executorem, Apperitores, & Nuntios, Notarios, & alios necessarios ministros, & carceres teneat, vt testes iuxta 8. vigore remissoriæ examinati conformiter testificantur.

Eam porro iurisdictionem Scholasticus privativè quoad Episcopum Salamantinū & quenlibet alium iudicem exercet, nam constitutione 23. cautum extat, ne quis de gremio Vniversitatis, ratione submissionis, delicti vel rei, ad cuiusvis instantiam coram quocumque iudice Ecclesiastico, vel seculari, sed solum coram Scholastico Salamantino, vel eius Vicario civiliter vel criminaliter convéniri possit, aut quo quomodo trahi permitta tamen iurisdictione Episcopi Salamantini, vt 22. constitutione docetur, quantum ad sibi subditos clericos suæ civitatis, & Diocesis: nam quantum ad istos, locus est præventioni iudicij, cum possunt, vel coram Episcopo, vel coram Scholastico conveniri.

Iam et si verò qui in tam insigni Vniversitate contra tam innumeratas & egregias personas ad eam vndique studiorum gratia confluentes, tam late patentem exercet potestam, ab Episcopali iurisdictione meritò foret censendus immunis, nihilominus ante paucos annos Reverendissimus Dominus Episcopus Salamantinus, licet fateretur præfatum Scholasticum ratione officij, & conservatoriæ esse exemptum, & penitus liberum, sibi tamen subiectum fore putavit ratione Scholastriæ, quæ est illustris dignitas in Cathedrali Ecclesia Salamantina, cum iure constitutum extet, exemptum ratione certæ rei, vel loci, non censeri exemptum respectu alterius rei vel loci, vt in terminis

nis de quibusdam Canonis Capellæ Ducis Burgundiaæ exemptis ratione Canonica-
tuum, subiectis tamen ratione Ecclesiæ parochialium, quas ab Episcopo Lingo-
nien, obtinebant, decrevit Innocentius III. in cap. cum Capella. de privileg. quo potissimum fundamento cum ad favorem Reverendissimi Domini Episcopi Salamantin.
superioribus annis R. P. Dominus Seraphinus Olivarius Sacra Rotæ nunc Decanus
pronuntiasset, sed Domino Scholastico Remissoria concessa fuisset, ea reproducta ad
instantiam Doctoris Francisci Gasca Salazar moderni Scholastici viri omni virtute &
litterarum scientia præstantis, ego in hac secunda instantia præsuppositis testibus vi-
gore Remissoriæ pro parte Scholastici legitime examinatis, & privilegijs, & constitu-
tionib[us] Vniversitatis, dubitavi. An textus in dicto cap. cum Capella. de privileg. ob-
staret in hoc casu, ita ut Scholasticus non possit dici exemptus à iurisdictione Reve-
rendissimi Domini Episcopi Salamantini.

Et quia pars Domini Episcopi sibi citata non comparuerat antea ad informandū,
instante procuratore D. Scholastici, causa diu dilata tandem proposita sub isto die V.
Iunij præsentis anni 1591. Domini Auditores concorditer tenuerunt predictum cap.
cum Capella. non obstat, quominus Scholasticus Vniversitatis Salamantin. dicatur ple-
ne exemptus à iurisdictione Episcopi Salamantini.

Fuit enim primo consideratum, Apostolica rescripta Eugenij IIII. Innocentij Osta-
vi, successive per Iulium II. Leonem X. & Clementem VII. confirmata, tribuentia Scho-
lastico Salamantino, ut nullus de Vniversitate posset coram quodquam alio iudice, quā
coram eo conveniri, non enuntiari concessa tamquam conservatori, vel contemplatio-
ne alicuius alterius particularis qualitatis, sed Scholastico sub nomine & qualitate
Scholastici, ita ut fateri oporteat ipsum non vti conservatore, vel in solis negotijs Vni-
versitatē respicientibus, sed simpliciter & absolute, etiam vti dicta dignitate Schola-
sticæ predictum exemptum esse: nam cum privilegium concessum alicui, est propor-
tionabile sub omnibus qualitatibus in eo concurrentibus, & est concessum sub nomine
appellativo, tunc potius censetur absolute, quam contemplatione alicuius certè qual-
titatis concessum. Abbas in cap. quoniam Abbas num. 8. vers. si autem ex verbis, & nu. 1. 3.
vers. quid si duo de offic. deleg. quem ibidem sequuntur Decius num. 41. vers. tertio A b-
bas concludit, & Berous nu. 88. vers. ex verbis Abbatis, illa enim expressio dignitatis, &
qualitatis Scholastici, operatur, ut dispositio censeatur facta de illo velut de tali, quaris
enuntiatur, Abbas consil. 115. num. 1. vers. præterea vbi cunque lib. 2. sicut de eo qui se pro-
curatorem nominavit, ut censeatur etiam si id non exprimat, intuitu eius qualitatis a-
etum gesisse, traditur in l. quacumque ff. de procurat. Bart. in l. fin. ff. de init. Silvanus
consil. 8. incip. quoniam solet, n. 3. & seq. idem iudicium fit de eo qui heres, qui tutor, qui
nepos nominatur, aut de quo sub certa qualitate fit metio Romanus consil. 88. in prin-
cipio, Alben. consil. 42. nu. 3. Alciatus consil. 3. nu. 14. lib. 2. Purpuratus, consil. 14. nu.
1. Egidius decisi. 5. & decisi. 423.

Præterea eadem rescripta Apostolica personis Vniversitatis privilegia exemptionū
tribuentia, post expressos Rectorem, Scholasticum, Doctores, & Magistros, continent
illa verba, aliasque Vniversitatis personas, vnde patenter infertur Rectorem, Doctores, &
Scholasticum qui est conservator & iudex ordinarius studij Salamantini, esse perso-
nas eius Vniversitatis.

Nec predictis obstat textus in dicto cap. cum Capella. de privileg. in quo potissimum
est fundata decisio R. P. D. Seraphini sub die 13. Decemb. 1582. quia termini illius tex-
tus à casu proposito sunt diversi: nam ibi exceptio tributa Canonis Capellæ Ducis
Burgundiaæ, erat restricta ad illam qualitatem quod essent Canonici eius Capellæ, &
ideò non eximebat illos respectu alterius qualitatis, quatenus scilicet ab Episcopo Lin-
gonien. Ecclesiæ parochiales obtinebant, vel alias eius iurisdictionem respiciebant,
ut apertissime indicat textus ibidem in §. quo circa, ubi scriptum est ita. Quo circum man-
damus, quatenus in quantum exempti sunt eiusdem ratione Capellæ, Apostolicis privilegijs deferas
reverenter, sed in quantum ratione parochialium Ecclesiæ, vel alias iurisdictionem tuam re-
spicere digneasuntur, officij tui debitum in eosdem libere prosequaris, hactenus ibi.

At in casu proposito exceptio seu concessio exemptionis, nō est restricta ad Scho-
lasticum Vniversitatis, nec restringi rationabiliter potuisset, cum Vniversitas nullam
talem habeat Scholasticæ dignitatem, & cum illa dignitas in Ecclesia Salamantina con-
sistat

406

Si stat, potius debuisset ad eam dignitatem in praefata Ecclesia consistentem restringi, si
cut apparet restricta in privilegio Eugenij IIII. relato per Clementem VII. ibi: ac Scholasticis Ecclesia Salamantina.

Sed illa quoque casuum differentia difficultatem tollere videbatur, quia in dicto cap. cum Capella. illi Canonici ratione parochialium, non poterant dici à iurisdictione Episcopali exempti, eo etiam nomine quod parochiales ab eodem Episcopo obtinebant, vt indicat illa textus verba, qui parochiales Ecclesias à ierent, &c. Hic autem Scholasticus non habet Scholasticam ab Episcopo Salamantino, sed eius tanquam dignitatis electivæ dispositio, vt 33. constitutione sancitur, Sedi Apostolicae sub hac formare servatur, vt occurrente illius vacatione, viro idoneo per diffinidores negotiorum ipsius Universitatis, aut maiorem partem eorum eligendo conferatur, & sic electus per Archiepiscopum Toletanum pro tempore existentem auctoritate Apostolica, aut per Sedis Apostolica Legatum vel Nuntium ab ipsa Sede potestatem Legatide latere habentem, infra tempus à iure statutum confirmetur: illo addito, quod propterea dicto Archiepiscopo nulla potestas, vel iurisdiction, aut superioritas supra Scholasticum concessa vel tributa esse censeatur, multò ergo minus talem iurisdictionem Reverendissimus Episcopus Salamantinus pretendere poterit.

Satis minus vrgens visum fuit aliud eiusdem decisionis fundamentum, quod Scholastico Salamantino, Salmantice commoranti, non videatur applicari ratio considerata in privilegio Innocentij VIII. relato per Clem. VII. quod Rector & Scholares litterarum studia sapienter pro rebus suis in partibus remotis defendendis intermittere cogebantur: tum quia idem Innocentius in expressione eius rationis facit mentionem de Scholastico, unde verbis existentibus claris cessant subtiles interpretationes; Aymo consil. 4. nu. 21. tum quia Innocentius loquitur de rescriptis delegatorum, quorum vigore omnes æqualiter ad diversas partes, & tribunalia trahabantur; quæ ratio Scholasticum etiam comprehendit, tum postremo quoniam illa non fuit finalis privilegiorum causa, sed alia in alijs Pontificum rescriptis (illa excepta) narrata.

Postremo observantia subsecuta, que omnium dubiorum dispositionum solet esse fidelis interpres, si de interpretatione ff. de legib. cap. cum dilectus §. dictus vero de consuetud. cap. certificari de sepult. Dominos etiam movit, vt pro Scholastico sentirent: nam licet in casu proposito versaremur in dubio, testes vigore Remissoriae examinati illud tollunt, cum iuxta octavum & nonum interrogatorium, & super quarto articulo conformiter deponant, semper Scholasticum fuisse in hac possessione exemptionis, & Episcopos Salamantinos nunquam contra Scholasticos processisse, immo occurrentibus casibus, in quibus erat contra capitulares procedendum, semper ab Episcopis exceptos fuisse Scholasticos, id quod testes propositis aliquot actibus & exemplis satis patenter ostendunt: ex quibus longa observantia roboratis respectu Scholasticae probatur exemptione Aymo consil. 101. num. 3. & consil. 201. num. 11. & consil. 274. nu. 7. Silvanus consil. 63. nu. 18. & consil. 65. nu. 17. & consil. 98. nu. 18. Menochius consil. 37. nu. 97. Riminal. Iunior consil. 102. nu. 5. & seq. Gabriel consil. 89. n. 17. & 18. lib. 1. Bartholomæus Socinus consil. 145. nu. 2. lib. 1.

¶ Stantibus itaque Apostolicis privilegijs (quorum tenore inspecto sub die 27. Iunij 1582. fuit conclusum pro manutentione ad favorem Scholastici) & constitutionibus Universitatis, & observantia per testes Remissoriales legitimè probata, Domini à praefata decisione sub die 13. Decemb. 1582. recedentes Scholasticum, etiam respectu dignitatis Scholasticae in Ecclesia Salamantina existentis, à iurisdictione Reverendissimi Episcopi Salamantini, pro tempore præsidentis exemptum censuerunt, ac minime mutanda, quæ eandem interpretationem semper habuerunt l. minime ff. de leg.

Franciscus Penia Rota Auditor.

Doy licencia para que se imprima esta decision, y sentencia de la Rota de su Santidad a 28. de Setiembre 1591. En Salamanca.

Gasca Salazar Scholasticus.

Digitized by srujanika@gmail.com

De la licencia que tiene el presidente de la república, y la ejecución de la Constitución.